

অমাবস্যার আলো

পীচ রাস্তার ভাঙ্গা কালভার্চে
 শুয়ে একা,
 আকাশমণি গাছের ফাঁক দিয়ে
 দেখি, কালো আকাশের বুকে
 অজস্র সব তারা।
 মনে পড়ে যায়, সেই কবে
 কালো শিফনের শাড়ীতে
 পালী চুমকী
 জড়ানো ছিল, তোমার গায়ে।
 আজ অমাবস্যার রাতে
 ঠিক যেন তুমি,
 আকাশ হয়ে ডাকছো
 আমাকে।
 প্রেমিকরা সব-
 জ্যোৎস্নার কথা বলে,
 ভরা চাঁদের আলোয়
 হাত ধরে হাঁটে;
 আদম আর ইভ।
 ওরা অন্ধ-
 তাই আলোর খোঁজে ফেরে,
 আমি তো এই কুচকুচে
 কালোর চাদরে জড়ানো-
 কত অজস্র তারা দেখি,
 আর মাটির উপর
 জোনাকিরা, সবুজ আলোয়
 আমার পথ দেখায়।
 আমি হেঁটে চলি
 অন্ধকারের হাত ধরে
 তোমার কাছে।

আশিষ চত্রবর্তী

ভালবাসার বৃষ্টি

এক পশলা বৃষ্টির
 মতো তুমি এলে,
 বৃষ্টির ভিতর থেকে; শুষ্ক নিলে
 যত ছিল উষ্ণতা।
 ক্ষতায় ভরা মনটা
 ভিজিয়ে দিলে তোমার ছোঁয়ায়,
 নরম মাটিতে পুঁতে দিলে বীজ
 যা থেকে জন্ম নিল
 কত অজস্র সবুজ;
 শিরীষ, পলাশ আর বকুলেরা।
 প্রকৃতিভরে গেল প্রাণে,
 আর সেই প্রাণের ছোঁয়ায়
 জন্ম নিল - ভালবাসা।
 যাকি না হারিয়ে গেছে
 আজকের পৃথিবীতে,
 তাই তো মানুষেরা সব চাতকের মতো
 তোমায় খোঁজে, তোমাকে
 বৃষ্টিকে, আমার
 ভালবাসার বীজকে।

আশিষ চত্রবর্তী

